

Quarto Junii vidit illam Illustrissimus Præses optima sanitate gaudentem.

Toto morbi tempore urina semper bene colorata cum enaioremate fundum petente conspiciebatur.

### EXPERIMENTUM XIII.

**J**uliana Gruberin, 27. annorum, venit 14. Junii ad nosocomium.

Dicebat, se jam a quatuor hebdomadis contractione ventriculi, anxia respiratione laborare, ac se a 15. diebus difficillime deglutire.

Dum prima vice illam vidi, scemina tota emaciata erat, ac ita defatigabatur, dum aliqua cochlearia jusculi cum pane assumeret, ut vix binas uncias magna labore potuerit deglutire.

Inspectæ fauces nihil morboſi pro ſe ferebant, pulſus præter inæqualitatem nihil præternaturalis habebat, abdomen & hypocondria erant mollia, alvus omni die vel omni biduo prodibat naturalis, urina erat aquoſa; fitis nulla aderat, inquieta diu noctuque jacebat ægra, parum dormiens.

Antequam ad noſocomium deferretur varia a diverſis hominibus medicamenta aſſumpſerat ſine levamine.

Hinc ſtatim de extracto Hyoſciamî cogitavi, probavi tamen antea per tres dies, quid efficerent uſitata remedia nervina, antihyſterica, ac ſimul totum col- lum cataplaſmate emolliente involvebam.

Verum inde nec minimum levata eſt ægra.

Die decimo octavo Junii datæ sunt ipsi  
duæ pilulæ de extracto Hyosciami ter  
de die.

Die 19. Junii jam levamen percipiebat,  
& die vigesimo secundo deglutitio libera erat.

Subinde tamen recurrebat levis deglutitio  
difficultas, ac ventriculus spasmus constringebatur.

A die vigesima tertia Junii purgabatur  
quotidie ter quaterve usque ad secundam  
Julii, & optima tunc fruebatur sanitate.

Per plures adhuc dies in nosocomio  
retenta nil conquerebatur, hinc perfecte  
sana dimittebatur.

Sunt adhuc multi variis nervorum  
morbis laborantes, quibus has pilulas  
cum effectu exhibeo; verum cum abso-

lu-

luta nondum fit curatio alia occasione eorum historias referam.

---

---

## CAPUT III.

### DE ACONITO.

**A**conitum alias dicitur *napellus* flore cæruleo, cucullato &c. est aconitum *linei* foliorum laciniis linearibus, superne latioribus, linea exaratis, *spec. plant. pag. 532.*

Planta hæc inter summa venena hucusque recensebatur.

Attamen celeb. *linæus* vidit in parte sueciæ septentrionali folia hujus herbæ, pauca pinguedine cocta, impune comedi a muliere, marito, duobus liberis & alia vetula. *Flora lapon. pag. 179.*

In hortis plerumque culta fuit, ut ornamento esset.